

正一指教齋清旦行道儀

先發鑪

太上玄元五靈老君 當召

功曹使者

左右龍虎君

捧香使者

三炁正神

急上關啟

三天太上玄元大道君

臣等正爾燒香清旦齋事 願得八方正炁來入臣等身中 所啟速

達 徑御至真無極道前

次上香周迴 還東向再拜

次長跪叩齒二十四通 出官

謹出臣等身中 五體真官功曹吏 出臣等身中治職君吏 建節

監功大將軍 前部效功 後部效殺 驛亭令 驛亭丞 四部監功謁

者 及臣等所佩仙靈二官直使正一功曹 治病功曹 左右官使者

正一指教齋清旦行道儀

清微藏書閣

陰陽神決吏 科車赤符吏 剛風騎置驛馬上章吏官 各二人出 出

者嚴裝顯服 冠帶垂纓 整其威儀 住立臣等前後左右 咸受臣口

中辭語 分別關啟 泰清官屬監齋君吏 天師所布下二十四治諸官

君將吏 道上二玄三元四始甲子諸官君 七十二官三官考召 直日

直符 五嶽四瀆 丘沼廟神 山林孟長 山川溪谷 及此間州縣鄉

里 里域真官 注炁監察 考召土地之主 社里邑君 一時嚴裝

與臣等身中功曹使者及飛龍驛吏 上啟

太上大道太上老君

太上丈人

四方眾真

道德尊君

天師嗣師系師女師三師君門下典者君吏

泰清靈神

正一諸官君

臣等謬參法教 職在披述 爰值歸告 輒為宣騰 謹有云云

次讀辭

辭言懇倒 謹具陳請 為依漢中舊典 建指教齋直 一日一夜
三時行道 日夜祇誠 特賜玄澤 俯垂臨照 請三天監齋仙官天
兵騎乘 各依儀法 一合來下 行神布炁 輔衛道場 澄潔身心
祈願感達 降福消禍 乞如所陳 功曹使者分別聞奏 以時上達
列啟事竟 各還臣等身中 復於宮室 須召又到 一如故事 因伏
地 三叩三咽 起再拜

次便四方朝

若中亥 即於此先發鑪 然後行四方朝

太上玄元五靈老君 當召

功曹使者

左右龍虎君

捧香使者

三炁正神

急上關啟

三天太上玄元大道君

臣等正爾燒香 清旦齋事 願得八方正炁 來入臣等身中 所

正一指教齋清旦行道儀

清微藏書閣

啟速達 徑御

至真無極 道前

次法師還東面 西向長跪 上香周竟還

次西向 各稱治職 再拜 平坐 讀

謹關啟

天師嗣師系師女師三師君夫人門下典者君吏

次北向 謹關啟

上皇太上北上大道君

次東向 謹關啟

太清玄元上三天無極大道太上老君

太上丈人

天帝君天帝丈人

九老仙都君

九炁丈人等 百千萬重道炁千二百官君

太清 玉陛下

次南向 謹關啟

南上大道君司命眾官三天萬福君

臣等宿世因果 稟承正教 運逢僥倖 叨擢冥津 業愧清虛
行慚忍辱 恒願立功補過 延福拔咎消遣 累欲增長勝緣 拯接憂
危 祈濟苦難 今謹有齋忱 用伸宣讀

讀辭

具如翰墨所陳 宜可騰奏 輒相攜率 為施主某乙建立天師指

教齋 直一日一夜 三時行道 願以是功德 為齋主家七世父母先

過後亡 一切神爽 消釋殃對 和解基罰 拔長夜魂 贖永劫罪

斷地獄緣 結天堂業故 歸身大道 歸神大道 歸命大道

第一 上香願 以是功德上延七世父母過去神識 當令免離災厄苦

難 咸得解脫煩惱惡根 受鍊朱陵 輪化南極 永出三塗長遠 五

道不更 六趣不涉 八門澤被 後徒福流見 在今故燒香 自歸依

師君 昇入無形 和與道合真

第二 上香願 以是功德奉為帝王國主國王君臣吏民保鎮皇基興隆 社

稷安邦 利壤延福享祚 故歸身大道 歸神大道 歸命大道 持是

功德 上延帝王國主國王君臣吏民 當令免離災厄苦難 咸得解脫煩惱

正一指教齋清旦行道儀

清微藏書閣

惡根 使壽永乾坤 年逾椿嶽 國治民安 功成道泰 上慈下孝

君禮臣忠 六合寧靜 九有清平 今故燒香 自歸依師君 昇入無

形 和與道合真

第三 上香願 以是功德為供主自身及家門眷屬尊卑 善慶救災度

厄 保命延年 滅禍消凶 除殃卻患 祈恩請福 拔罪解愆 并及

同炁左右眾官治所領民 天下吏民等 普同福慶 遍受洪潤 故歸

身大道 歸神大道 歸命大道 持是功德歸某等身及家門眷屬尊卑

大小同炁左右眾官治所領民 天下吏民 當令免離災厄苦難 咸得

解脫煩惱惡 根五刑六害 一切消弭 千殃萬患並皆迴伏 四關九

竅 吐故納新 三一五神鎮衛宮府 心開意朗 耳目聰明 所向所

欲必獲從果 所營所作萬事諧克 求道降真 求財得寶 南昌領籍

司命記名 長存久視 德合天地 畜牧之屬 螽飛蠹動 已生未生

咸蒙成就 今故燒香 自歸依師君 昇入無形 和與道合真 再

拜

次誦詠三首

爭意結五內 攝情修齋直 先人獲其慶 子孫得其福

身固殊金剛 壽命無終極 心如瑠璃珠 光明照身外
是謂無上道 眾道中之最 皆從齋直生 捻香之所得
是為大道座 賢者各努力 一心無二意 願念隨煙昇
捻香上虛無 精誠感一切 煙御大道前 太上稱為快
香煙昇太清 願念尋煙至 三官除罪契 左神著生錄
修行各三周 功德因族邁 天老刻玉籙 冥德於金匱
仙都定玉曆 記名著左契 修行奏至誠 從道求所如
齋戒攝情念 燒香向空無 基考一切解 福德當歸流
願除億會罪 赦貫代兆軀 是皆燒香得 知此由天師
明內受吉慶 後世悉皆如 禮拜天師君

正一指教齋清旦行道儀竟

正一指教齋清旦行道儀

清微藏書閣

天運壬辰年巳月正一天師清微弟子洪鼎堅率門人

羅大英 安羅飛恭錄彙編

李金強複校

正一指教齋清旦行道儀

清微藏書閣

正一指教齋清旦行道儀

清微藏書閣